



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

3. Quàm graui pondere se grauant homines vtentes his redditibus ac
testamento, neglecto ministerio & officio.

urn:nbn:de:hbz:466:1-29452

thesaurus Ecclesiæ, census & reditus ex vltima voluntate testatorum. Raptoribus autem hæc non concessa.

3. Tertiò, quia beneficium datur propter officium scilicet verbi, graui pondere laborant, qui nõ faciunt officio, & negligunt ministeriũ verbi. Oportet igitur vt aut non vtantur beneficijs, aut non negligant officia. Olim Donatistarũ Ecclesijs publici magistratus auferrebant facultates, & transferebãt ad priuatas Ecclesias: qua de re etsi conquerebantur Donatistę disputabant, propter dissensionem dogmatũ nemini rapiendas esse facultates, Augustinus tamen facit beneficium pecuniam Ecclesię esse, ideoq; rectè per magistratus eripi his, qui non pertinerent ad Ecclesiam, & transferri debere ad veros vsus Ecclesię: nam hoc verum est, vt qui laborat, manducet: sed & hoc verum est, primũ probetur, an falsus sit ille cultus quem habent Ecclesię, quę sic priuantur suis facultatibus sit ibi iustitia, non inuidia, nõ hæresis. Ecclesia publica tribuens Christo iustitiam, & seruans aliam religionem, non habet falsum cultũ: igitur qui negligit suum officium, videat: etiam qui facultates accipiunt, videant, ne oculus sit nequã: grauiter peccantes, peccata pauperũ comedunt & bibunt, vt propheta dicit. Insuper replet Deus benedictione omnes qui conferunt ad conseruationem ministerij & studij vt patet Haggai 1. Aedificate mihi domũ. Item queritur, Domus mea deserta est, & festinat extruere quisq; vt domum suam extruat, ideò prohibuit Malac. 3. Inferte omnem decimam in horreum meum &c Et Prou 3. Honora Deũ de substantia tua &c sunt omnes pmissiones aut maledictiones eorum qui vel conseruant, vel impediunt facultates Ecclesię. Et maledictio ac poena æterna manet eos, qui spoliant & alienant bona Ecclesię: sic punitur Achaz rex Iuda, qui templum Domini spoliavit vasibus, eaq; con-

git, 2. Paral. 28. Nabuchodonosor insanus efficitur, Dani. 6. & regno spoliatur filius eius Balthasar. Antiochus in magnis pœnis moritur, 1. Machab. 1. & 6. 2. Ma. 9. Philistini rapientes Arcam, pessimè puniuntur, 1. Reg. 5. & 6. Videant igitur raptores bonorum Ecclesiæ, videant quoque vtentes bonis Ecclesiæ, neglecto diuino officio, quibus Christus minatur Mar. 23. Væ vobis scribæ & Pharisei, qui comeditis domos viduarum, longas facientes orationes &c.

CAPVT XX.

ARGVMENTA.

1. *Quòd voluntas Dei est, vt de iusto lucro viuamus: ad hoc vult ipse cooperari.*
2. *In quibus rebus sit lucrū turpe & inhonestū.*
3. *De punitione quæ sequitur hic & in futuro iniustum lucrum.*

Dimò, maximè vult Deus, vt iusto labore nos conseruemus in hac vita, & pro illo etiam vult suam adiungere benedictionem, vt maximè caueamus ab omni inhonesto & turpi lucro. sic dicit Psal. 127. Labores manuum tuarum quia manducabis, beatus es, & benè tibi erit: non autè eris beatus, nec benè tibi erit de turpi lucro viuere. Et Gen. 3. In sudore vultus tui vesceris pane tuo: non dicit, de turpi lucro vesceris. Sic Sapien. 10. honestauit illum in laboribus, id est, qui iusta arte laborat, & cõpleuit labores illius, id est, sua benedictione: adiecit preciũ & fortunam, vt cum suis viuat. Et Apostolus hoc maximè desiderat in eligendo Episcopo, ne sit turpi lucro deditus & cupidus. 1. Tim. 3. ad Tit. 1. & 1. Pet. 5. nec turpis lucri gratia &c, Diligit ergo Deus maximè eũ, q̄ de iusto labore & lucro viuuit, & maximè illũ odit, qui de turpi lucro viuuit. Illũ etsi pmittat hic viuere & p̄spe-